

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-992-6/22
Teočak, 10.08.2022. godine

Na osnovu člana 64. stav (1) tačka b), člana 70. Zakona o javnim nabavkama („Službeni glasnik BiH“ broj: 39/14), i člana 43. Statuta Općine Teočak („Službeni bilten općine Teočak broj: 5/08, 2/12 i 01/22), a u skladu sa Zapisnikom o pregledu i ocjeni ponuda broj: 02-11-992-5/22, Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Na osnovu Zapisnika o pregledu i ocjeni ponuda broj: 02-11-992-5/22 završenog dana 08.08.2022. godine, a u skladu sa dopisom od Agencije za javne nabavke broj: 04-02-1-2209-2/20 od 13.11.2020 godine kojim su dostavili mišljenje vezano za primjenu Zakona o javnim nabavkama, ugovor za Izgradnju pijace dodjeljuje se ponuđaču: „Izgradnja“ doo Teočak po ponudi broj: 136-4-02/2022 od 25.07.2022. godine za ponudenu cijenu od **452.178,18 KM** bez PDV-a, vrijednost radova s obračunatim PDV-om je **529.048,47 KM**.

Član 2.

Prijedlog Ugovora dostavit će se na potpis izabranom ponuđaču: „Izgradnja“ doo Teočak, sa sjedištem u ulici Teočak bb, 75414 Teočak.

Član 3.

Izabrani ponuđač je obavezan u roku od 5 (pet) dana od dana prijema Odluke o izboru dostaviti dokaze o činjenicama navedenih u Izjavama iz članova 45. i 47. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu Općine Teočak.

Član 5.

Ova odluka stupa na snagu danom donošenja, biti će objavljena na web stranici Općine Teočak www.teocak.gov.ba i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-11-992-1/22 od 05.07.2022. godine. Javna nabavka je provedena putem otvorenog postupka za dostavu ponuda, broj obavještenja sa portala javnih nabavki: 98-1-3-42-3-12/22. Procijenjena vrijednost javne nabavke bez PDV-a je 411.900,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-992-4/22 od 26.07.2022. godine, Zapisnik o pregledu i ocjeni ponuda broj: 02-11-992-5/22 završen dana 08.08.2022. godine u postupku javne nabavke radova na Izgradnji pijace.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 1 (jedna) i to ponuda od: „Izgradnja“ doo Teočak
- ukupan broj blagovremeno zaprimljenih ponuda je 1 (jedna) i to ponuda od: „Izgradnja“ doo Teočak

Kriterij za ocjenu ponuda je najniža cijena.

Tehnički, pravno i ekonomski gledano, ponude od ponuđača „Izgradnja“ doo je prihvatljiva. Ukupna ponuđena cijena od navedenog ponuđača je 452.178,18 KM bez pdv-a.

Cijena najpovoljnije ponude je veća od procijenjene vrijednosti za iznos od 40.278,18 KM. Agencija je dopisom broj: 04-02-1-2209-2/20 od 13.11.2020. godine, a na osnovu Zahtjeva Ugovornog organa, dostavila mišljenje i između ostalog navela sljedeće: „Budući da najpovoljnija ponuda prema kriteriju za dodjelu ugovora prelazi iznos planiranih sredstava, ugovorno tijelo ima mogućnost dodjele ugovora, ukoliko osigura nedostajeći iznos finansijskih sredstava za istu. Naime, članom 69. stav (2) tačka e) Zakona propisano je da ugovorno tijelo poništava postupak nabavke ako su cijene svih prihvatljivih ponuda znatno veće od osiguranih sredstava za predmetnu nabavku. Međutim ni Zakonom ni pripadajućim podzakonskim aktima nije propisano koje odstupanje se ima posmatrati kao „znatno veće“. Dakle, od raspoloživog budžeta, realizacije prethodnih nabavki tj. da li je potencijalno bilo ušteda po prethodnim ugovorima, stepenu prioriteta nabavke, hitnosti, da li je opravdano da se zbog realizacije konkretnog ugovora odustane od neke druge planirane nabavke ovisi da li će ugovorno tijelo u konkretnom slučaju nastaviti postupak ili isti poništiti u skladu sa članom 69. stav (2) tačka e) Zakona, a opet u odnosu od mogućnosti ugovornog tijela da osigura

nedostajeći iznos finansijskih sredstava za ugovor koji bi trebao biti sklopljen. Konačna odluka o pomenutom pitanju je na ugovornom tijelu“.

Budući da se budžetom Općine Teočak mogu obezbijediti dodatna sredstva za nabavku predmetnih radova, Općinski načelnik je donio Odluku o rezultatima okončanog postupka i izboru najpovoljnijeg ponuđača.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu pristiglih ponuda i kvalificiranosti ponuđača u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Pouka o pravnom lijeku

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:

- Izgradnja doo
- a/a



Općinski načelnik

Tajib Muminović